

lia in superiores & inferiores distincta, tota facit convenienter officium: statæ sunt vices prædendi, cœnandi, laborandi, cubandi, surgendi, precandi: servatur denique pax & tranquillitas domestica. Et aliud quidem decorum est aulae, aliud curiæ, aliud ecclesiæ, quæ est domus Dei. *Decorum* ecclesiæ non est in auro, argento, staturis, casulis, cappis, aut ceremoniarum larvis: sed ut locus sit commodus, vasa & instrumenta omnia sint munda, habitus pastorum decorus, actiones omnes publicæ & privatæ absq; levitate, superstitione & fordibus, divinâ gravitate, modestia & pietate tam à docentibus, quam à discipulis peragantur omnia, quasi in Dei & sanctorum angelorum conspectu. *Ordo* verò est; ut singula cōveniente tempore disposita sint in ecclesiâ: sic discretus ordo docentium & discipulorum; sint statæ vices concionandi, precandi, psallendi, catechizandi, communicandi, baptizandi, & quæ hujus generis sunt alia: quibus & *disciplina* cavetur,

A & ædificatio ecclesiæ ac singulorū quàm maximè promovetur.

DOCTRINA itaque generalis hîc traditur: leges de decoro & ordine ecclesiæ circa ritus & externam disciplinam esse ecclesiæ libertati relictas: proinde non obligare conscientias per se; nisi libertas fiat cum scandalo: & denique legibus ejusmodi non coli Deum; sed ædificari ecclesiam ad Deum ritè colendum, juxta ejus præscriptum. Quod enim liberū relictum est, ut sic vel sic fiat, & vel mutetur vel abrogetur, & contrario modo fiat, pro ecclesiæ arbitrio: id cultus Dei esse non potest. Alioqui Deus contrariis coleretur: quia ordo ecclesiasticus aliis atque aliis locis non modò diversus, sed sæpe contrarius ad ædificationem facere potest. Benè igitur annotavit Calvinus, *hunc locum ostendere discrimen inter tyrannicam papæ edicta; quæ conscientias premunt dira servitute: & inter pias ecclesiæ leges, quibus disciplina & ordo continetur.*



CAPITIS XV.

Argumentum, partitio, analysis.

Septima pars epistolæ; de fide resurrectionis mortuorum, quam toto hoc capite apostolus gravissimè asseruit: quia in Corinthiaca ecclesia eam argutiis quorundam in dubium vocari, sive à Chloës familiaribus, sive ex Corinthiorum literis cognoverat. Ostendit ergo, hoc articulo convulso universum evangelium & fidem Christianam convelli, omnem consolationem & spem salutis nostræ concidere, deniq; profanationem & epicuræismum induci. Simul argutias objectas refutat, & non modò possibilitatem resurrectionis mortuorum ex natura ipsa demonstrat; sed & modum ejus atque ordinem prophetico spiritu prænunciat: tandemq; ut in hac fide firmi atque immoti consistamus, hortatur.

PARTES capituli sunt quatuor:

PPP 2